

四庫全書

集部

欽定四庫全書

敬業堂詩集卷四十三

翰林院編修查慎行撰

齒會集

盡甲午  
一年

甲午春杪座主大宗伯許公邀楊晚研宮贊陳梅  
溪侍御為娛老會僕以門下士忝克四人之數周  
而復始迭為主賓其秋同宗兄弟年六十以上者  
凡五人復有合釀之飲大抵季必有會會必有詩

一年中唱酬者十居二三因以齒會名吾集亦歸  
田一樂事也

元旦大雪

跡遠疎賓客心空穩睡眠正宜晴閉戶况乃雪漫天與  
世喜無事為農占有年庭梅生意動報我一花先

過詩友錢木菴虞山故居

城角三間屋傾欹少比鄰半生餘酒債四海失詩人兒  
女早無累

木菴三子長為農次依僧季  
業儒一女歸吾家孝廉姪

身名果孰親翻

憐吾未達感舊尚沾巾

上元雨中獨登虎丘二首

上元無月亦無燈十里山塘冷欲冰  
夜泊扁舟寺門外

梅花樓下弔詩僧

時根紹上人  
已去世

劍池側畔侍

宸遊寓直曾為三日留一夢八年還  
記得舊題詩在仰

蘇樓

丁亥四月隨  
駕駐此

晦日招潘竹村祝良仲叶雖兄弟小飲

舊讀唐賢集多為晦日遊閒中追節物病起念朋儔折  
東幸能致開樽聊共酬貧家稀宴會何惜小遲留

臺心菜

未綻黃金粟先抽綠玉簪大烹充瓦釜小摘滿筠籃不  
賣何求益多嘗詎覺貪齋厨無異饌童僕也分甘

雪中玉蘭花盛開

閨苑移根巧耐寒此花端合雪中看羽衣仙女紛紛下  
齊戴華陽玉道冠

春分前連日雪

九十春將半鶯花世界非  
向榮違物性餘慘露天機  
幸不多時積從教到處飛  
舊巢雙燕子社日倘來歸

春社

今年社是春分節半月寒深閉戶中  
花少有時還朔雪雨多無日不東風  
村巫環玦傳神語里老豚蹄望歲豐  
除却農談吾嬾聽何煩分酒更治平顰

種芭蕉二絕句

東鄰帶雨移花本  
西舍連泥掘藥苗  
庭小不曾留隙地  
又添牆角一芭蕉

卷心乍展影接莎  
葉葉攢成綠一窠  
不為無花偏愛葉  
花時長少葉時多

清明日西阡焚黃感賦二律

憶昨營窀穸旋馳赴

闕袞夢常驚冷節歸  
及荷榮光桑梓陰功在

先贈公行善於鄉至今鄰

史猶能道之  
柩椁舊澤傷踏青  
諸父老歎息看焚黃

近展松楸路，遙瞻雨露天。  
有生逢

聖代無祿盡，親年淚落休。  
官後

恩踰卜葬先，誓收清白跡。  
畢景守岡阡

七室柩前焚黃再作一首

一道黃麻制，存亡乃異辭。  
祗緣吾有愧，不謂爾無知。  
地

下應含笑生前未展眉

元微之悼亡詩報  
答生平未展眉

謝

思憐了影收，涕為羣兒

喜晴



春光霽後佳節氣田間正晨興啓蓬蓽豁若奩開鏡岸  
草既柔穠渚牙亦鮮盛村南杏粧卸村北桃鬢靚鋤麥  
農祈秋浴蠶婦修政俗醇游惰少候至赴功競新火稍  
出林舊鄰無改姓吾家世居此少長識愛敬雞犬聲互  
聞牛羊行讓徑晚尋畝畝樂益遂桑麻性寄謝市朝人  
誰能逐造請

燕來巢

燕燕來何許飛飛羽不齊我方歸舊社爾又換新泥借

問依人住何如擇木棲  
雨狂風正惡勿厭草堂低

客自會城來傳老友翁  
蘿軒龔蘅圃之意垂訊  
近狀口占報之

徑荒居又陋過懶戶常闕  
時事罕聞見舊交踈往還  
嗜從滋味薄詩到應酬刪  
二老知予者因風一慰顏

去秋手栽海棠一本春不  
作花而德尹潤木兩家此  
花最盛戲作一絕寄之

階前手種海棠樹樹小條  
踈著蕊難翻被兩家園主  
妬

有花偏讓老夫看

三月二日偶遊硤石精舍

三月風光連上巳人如蛺蝶闌裙衫  
兩山鐘磬東西寺  
十里烟波遠近帆  
拄杖我來尋履跡  
題詩僧乞署頭銜

篋中亦有新排集  
倘許經房貯一函

白香山年六十四  
編集寄香山寺

上巳與子姪輩飲西園海棠花下

寂寞逢嘉樹  
流連及令辰  
若非攜酒賞  
幾負滿園春  
絕  
豔驚雙目  
浮光動四鄰  
好花如子弟  
笑擁白須人

西林庵浴

我本無垢人多生依淨土無端墮五濁持以有身故自  
從歸田來迷昧晚稍悟雖逃塵土汨尚被詩酒汗蟻蝨  
緣見侵浣除急先務山僧開浴室午告湯沐具愛此松  
下風解衣入雲霧微溫徹毛髮積患瘳沈錮滌腸即未  
能搔背不猶愈老蟬初脫殼呼吸通清露嗒焉忘其身  
垢膩於何附

曉過駕湖

曉風催我挂驅行綠漲春蕪岸欲平長水塘南三日雨  
菜花香過秀州城

葆光居賞牡丹兼示祝良仲賓季爾田兄弟五

首

轡幕高張白石臺花情亦似感栽培已過穀雨三朝後

直待主人歸始開

時賓季爾田  
初自粵東歸

閱盡紛紛桃杏姿遲開獨占豔陽時只消一夜東風力  
扶起花頭五百枝

道是吾鄉第一花芳時無客不矜誇兩朝二百年門第  
得似君家有幾家

尺三花面大於盤一丈花梢半出欄頭白老翁來未晚  
霧中看勝雨中看

曲宴曾陪賞

內廷蕊珠樓閣隔青冥一枝歸折非無意猶有當時舊  
賜餅

三月晦日偕楊晚研陳梅溪赴座主大宗伯許

公之招流連三日敬賦五言古體詩一章用志

盛事兼訂後期

世會賴人持進難退仍易公歸天下仰鄉曲風先被逖  
矣黃髮期曠哉赤松志遠收伊呂迹近託張邴契洛社  
與睢陽高情千載嗣九人不迨半猥許門生廁良辰春  
夏交勝踐東西寺年尊耄將及興逸衰猶未籃輦出匪  
遙杖藤行可寘堂無絲竹鬧庭有煙霞膩外靜絕市謹  
中虛得池位雖然營園墅亭榭隨布置不窮土木妖所

以矯豪侈何嘗廢宴衍芻豢薄滋味不列水陸珍所以  
警貪鄙初焉立法久乃變風氣道大等行藏心空冥  
同異乘流坎斯止衆取我則棄欲知鵬鷃遊豈外逍遙  
義欲知名教樂即此真率意一會日經三一年會湏四  
非疏亦非數天賜皆

君賜幸生山水鄉各有登臨地創舉良獨難後期當以次  
從東山大悲閣步上南山道院

山北山南一逕通又從紺宇扣琳宮千年樹老根穿石



百尺梯危勢轉空  
上界神仙風肅肅  
下方樓閣雨濛濛  
羽人何福能消受  
長在晨霏夕靄中

過惠力僧房訪葛友峰

穿過林巒第幾層  
到門雙屐響登登  
祇應趙郡蘓和仲  
猶識成都杜伯升  
蜚遊難求借隱伴

張平子賦欲  
蜚遊以保名

僑居

直似此山僧白頭相對  
吾滋愧撒手懸厓尚未能

題西山快哉樓

東山標一壘樓與壘尖齊  
日月光先到松篁勢盡低  
爽

宜延眺聽老漸怯攀躋緣境隨時結詩成信手題

碧雲寺

以上四首皆硤川遊歷之作

徑曲耐幽尋杉籬步步陰煙光遮市斷殿影赴潭深昔  
受梅檀供今傷樵牧侵欲知增減劫成壞視禪林

信庵貽我湘竹筆几

往與陳

六謙  
楊晚研

輩結交始臨池我腕不能懸落筆

恒苦肥至今衫袖上墨汁烏淋漓十年課官書猥充抄  
寫為一從拋筆墨有指如駢枝愛弟粵中來美竹貽湘

妃斑筒園五寸文采光陸離銛刀剖其半承臂良所宜

惜哉硯田荒此儿將安施毋忘持贈意三復幼槃詩

謝幼

槃筆儿詩當君持贈恐不堪大似無功饗鹽虎

座主許公別後寄示七律二章叙連日山游之

樂再次來韻

溪山佳處榻長懸暇日追倍樂境偏靈運賦中行采藥  
康衢歌裏看耕田厭逢俗客談時事閒與鄉人結善緣  
雨笠風襟無恙在畫圖容易看神仙

茫茫官海濶無邊幾見虛舟濟巨川

白香山詩巨川濟了作虛舟

退

步始知原有地掉頭誰信不闕天  
高人入社同招隱大老還鄉例好禪  
得御籃輿吾竊幸乞身多及太平年

自西阡步登龍山小憩妙果寺成鏡軒

杖藜無百步欄楯有千家未覺平  
簷淺全虧老樹遮童

挑西澗水

西阡之北有泉去此纔半里

僧製本山茶佛日長如此何

愁暮景斜

村家四月詞十首

茆苦枳落趁高低草色平鋪樹影齊一片綠陰行不到  
家家門外有黃鸝

生長蘆村與葦鄉單丁門戶怕逃荒春來娶得紅裙婦  
添壓橋南百本桑

去年桑葉賤如毛今歲蠶多葉價高大抵乘除常得半  
半償安分半償勞

小滿初過上簇遲落山肥繭白於脂費他三幼占風色

二月前頭蚕賣絲

三幼即三眠也  
見放翁詩自注

野老籬邊獨一家  
卧聞隔竹響  
繰車開窗自起看風雨  
日在牆東苦棟花

活東幾日變蝦蟆  
細瑣謀生亦有涯  
租得山田還帶漚  
種菱時節種魚花

蠶忙粗了接農忙  
早晚官符不下鄉  
見說城中多大戶  
帶征猶欠隔年糧

大麥離披小麥黃  
連朝次第欲登場  
閉籠莫放新鵝鴨  
怕損鄰田二寸秧

一尺良田種一科

語出齊民要術

早年宜黍水宜禾老農信口

言皆驗比似兒孫閱歷多

山妻赤脚子蓬頭從此勞勞直過秋海角為農知更苦

合家筋力替耕牛

寄徐觀卿庶常四首

人間路狹田間濶天上官多地土稀難得玉峯徐吉士

遙朝廿日便思歸

來書云平生官況以廿日了之

乞歸初不為鱸蓴肯作江東第二人霧豹一斑窺寸管

雲龍半爪現全身

跨鳳駉鸞幾隊行列仙名籍滿瑤京不須更說鷄棲樹  
阿閣巢多自見輕

石公山下約耕雲十畝桑麻許見分

觀卿有別業在洞庭西山與余曾為

卜築我為退難歸已老可憐事事不如君  
之計

副相揆公惠寄人參一斤賦謝

官非致富具官罷適得貧獨不奈病何父吟兒復呻

時兒

建亦貧家抱富病動與參苓親東產禁入闕南方價彌  
患病



珍千金易一兩又苦贗雜真投之湯劑中日飲僅數分

持此望療疾越人視秦人荷公千里懷拜貺俄盈斤瑶

光散藥笈紫炁交斑璘

春秋緯瑶光星散而為人參禮緯下有人參上有紫炁

沃

以碧琉璃藝以紅麒麟庸醫亦色喜奏效如轉輪果然

黍谷寒變作陽崖春公惠洵已厚我慙鬱難伸雖延草

木年等是幻泡身所期調元手旦晚秉國鈞

時聞枚溝卜列名

中多待澤一老何足云

德聞姪以先京兆公加贈嘉議大夫誥命一軸

見示敬題於後

吾宗京兆之子孫當時濟濟推清門大賢餘澤久漸香

先代龍章今僅存族譜亭前一回首欲斥斯人言可醜

若教此軸落渠家賣珠毀櫝夫何有

本支冢孫弟兄構禍蕩盡先人餘業

故有此歎不忍斥其名也

珍藏似爾豈非賢中有詒謀二百年科名

仕宦尋常事世業終須孝友傳

余舊蓄古鏡一枚形正方背有飛魚二鱗鬣生

動周遭一百八十乳水銀徧裹上著血皴朱砂

斑不知何代物也偶閱元裕之集馬雲漢家方  
鏡背有飛魚與此形模正合元有七律一首載  
集中疑即馬氏故物而今為我有喜續一篇紀  
之

馬家古鏡形模異人世皆圓爾獨方細乳流丹周四角  
爛銀磨鼻貫中央出波鱗甲飛如活透骨頗黎冷放光  
如有庶隅難入俗合歸老子為收藏

蟻鬪

飯罷徐捫腹行階前蟻陣太縱橫巧排睢水常山勢  
鏖戰昆陽鉅鹿兵國手圍棋分黑白村兒鬪草計輸贏  
轉頭一笑全無為不解當場抵死爭

兒建補官北上兼寄德尹潤木

爾往因門戶吾衰且杖藜行期今始決藥裹病仍攜時兒

病尚未  
全愈

老閱晨昏易貧難出處齊京華見諸叔有信共

緘題

梅雨將至曝衣庭下睹舊

賜紗葛袍感賦

一桁高懸犢鼻禪篋中剩有

賜衣存為防梅黠重開看閒與兒曹說

主恩

禾郡試院古栢曾濟蒼繪圖索詩即次原韻

龍筋纏左紐鶴骨鍊孤形閱士幾頭白遇君方眼青愛  
頻攜畫卷惜未入圖經變化誰能料風雷或書冥

德尹陞侍講却寄

雁行官序記隨肩

余兄弟三人同官編修每入朝班仍以齒序先後

久次今來

合轉遷

用漢書孔光傳中語

聊與家門增氣色也勝陪點六年前

已丑初夏春坊日講員缺奉  
掌院曾以余名擬上既而用陳鍾庭  
旨選擇

生日示兒孫

家世少高年傷哉傳父祖吾生良過分六十已踰五自  
為鮮民來奔走備艱苦每逢先忌日雙淚落槩俎忍復  
受稱觴成行拜兒女殊非老人意轉觸傷心緒世教日  
以漓五鼎儉三釜厚已薄所生逢辰競華誦其或侈宴

會開筵召歌舞此風非自今此事尤不古矧余衰且廢  
徇俗一無取仕宦閱十年依然北門窶先廬僅無恙聊  
足蔽風雨常恐病見侵去來難自主未知從茲往尚復  
幾寒暑但願汝曹賢甘貧守前矩貽清義有在何用幹  
吾輩

夜枕喜雨

挂壁閒龍具黃梅十日晴忽聞中夜雨殊慰老農情枕  
簟通霉氣溝塍走去水聲跳蛙如送喜不厭繞除鳴

庭前蜀葵十二韻

蜀葵吾手種五月儼成林葉葉清蒲扇株株碧玉簪

叢猶計尺高榦突踰尋耐久誰如爾敷榮方自今

此花自五

月至初秋相續不斷

有花偏犯暑得地肯移陰抱素矜孤潔

中有白花

一株施朱競淺深露晞疑濯錦風暖快披襟爛漫知時及

歌斜怕雨侵寧無衛足智尚有向陽心石竹羞相亞山

榴妬不禁畫工難設色詩老獨搜吟莫漫嫌貧窶芳醪

又一斟

韓魏公詩芳醪對一斟許魯齋詩但恨主人貧且窶不教相對舞衣紅皆咏蜀葵句也



日本繡球花

南風來海外吹綻小團圓吐萼初含綠染根俄變丹垂  
垂懸蹴踔袞袞壓欄杆雨打戎葵折留渠愛惜看

盆池荷葉

藕梢種盆池初葉青錢似一葉復一莖漸看翠蓋起豈  
無十丈花奈此三斗水託根適有制小器吾局爾

家童以梅水滌硯既申諭之復詮次成篇當僮

約一則

梅雨降天泉其甘甚仙醴瀹茶需此味久貯益清泚壅  
盎謹蓋藏非時不輕啓客嘉乃一薦視若大烹禮研垢  
利亟除無端用泉洗殷勤示僮約誤事胡可底開池用  
養魚汲井用淘米貧家用水法一一須酌劑推類以及  
餘吾言當善體

雨乍晴

鬢髮落草與階平屋漏痕餘滴瀝聲老去一身隨燥濕  
漫勞鳩鵲報陰晴

觀插秧二十四韻

百以通舟楫，干畦罷杼桿。人情須解澤，天道豈屯膏。夜  
是分龍雨，晨添浴鷺濤。渾渾泥破塊，汨汨溜鳴槽。及見

苞初拆，先期種淨淘。

齊民要術淨淘種子經三日漉出

露苗齊若剪風

葉弱於縲維，耦羣衣襪于田畢。赴礬事因當務急，義取

立根牢。寬解青腰束，勻鋪綠芻尾。橫從分緯經，去行列

準茅絢滑澁，聊防蹶瘡痂。那暇搔胼胝，兼踵趾仰俯。混

頭尻正爾如針細，何時比岸高栽培。從幼穉功力積，纖

毫小鴨浮烏觜新鵝沒乳毛篝車思預祝稂莠待徐媿

餉婦烹蠶豆皤翁壓麥糕

效翁詩旋壓麥糕邀父老

衢歌隣巷答幽

樂土風襟身雜耕粳侶心知稼穡勞問誰司命屬笑我

代烝髦偶倚孤藤杖閒攜半榼醪勸農勤本分撫已愧

嬉教有蝨除灰鞠

周禮秋官蝨氏掌去蝨黽焚牡鞠以灰洒之則死以其烟被之則凡水蝨

無無蟲慮食桃

蟲食桃栗貴亦見齊民要術

豐年斯在眼秭鳩已先

淖

史記百草奮興秭鳩先淖

梅雨初霽

隴畝有惰農無端負春豪十年京洛住風氣習高燥左  
臂雖病風土脾幸未槁還鄉豈不樂顧已迫衰老翻畏  
梅雨多侵膚劇蚘蚤兒童報新霽起視天宇好蟬噪林  
葉初鷄鳴曙光早微颺自南來掩冉被庶草夏課晨有  
程方當事研討曝書良先務趁此日杲杲

舶趨風歌

吾聞千里以外風不同人間乃有萬里之長風來從海  
上梅雨後紀自西郊野叟眉山翁古稱博物家無若周

元公爾雅釋天篇八方風色以類從北涼西泰凱南谷  
自東頽焱飄庀暴昌暄一一命義無相蒙周禮保章十  
有二妖祥乖別占荒豐下而莊生齊物論以至應劭風  
俗通颼瀏颼颼颼颼叫嚟吒咬于喁名雖巧排比  
語實工形容船趨之名特未悉土俗傳說惟吳中吳中  
五六月水盛溽暑方蘊隆此風東南來一掃雲翳還虛  
空商羊黑蜮潛厥蹤炎官亦退三舍避大啟橐籥伊誰  
功三日濕氣消五日暑氣融連綿七日九日尚未止快

哉何暇分雌雄羊角初從何處起合而為一浩蕩來無

窮

丘真人西遊記風初起  
如羊角湏臾合為一風

國家象胥譯九重白雉入貢燕青熊良商豪賈狎海童  
高帆幅亞楫桑紅中男長女各效職飛渡溟渤如輕鴻  
此時田間一老翁置身恍在蘭臺宮不知人生更復有  
何樂但向北窓高枕卧聽聲蓬蓬

鷹毛扇

稜稜疑戴角六翮舊稱雄誰翦摩雲勢而為弄袖風近

身無棄物當暑奏竒功莫逐斑妃扇秋來怨篋中

庭前新設日棚

竒峯突兀升晨暮多幻狀羣來燭我室火令方用壯誰  
能待涼秋坐受驕陽亢貧家愛惜費竒計役心匠架木  
於中庭從乾取巽向

宅經云從乾  
向巽名入陰

東西牆所限南北稍

通望剖竹以為椽縛繩乃施帳卷舒一夫力自我甌新  
樣天亦無如何居然聽人抗片雲風不散赤日走其上  
但覺晝景長焉知炎勢王解衣盤礴卧客至蒙見諒憶



昨扈從年孱軀昧自量跨鞍五六月萬竈逐焚煬渴飲  
道傍泉形神聊一暢勞筋誓永息疲馬就閒放跡遠倦  
驅馳情孤愜宜當青藍十幅布氣壓錦步障即事不願  
餘休陰獲微尚

雨後納涼

夢過雷霆了不驚起來涼月在南榮靜中機候誰先覺  
已有一蟲階下鳴

六月廿二夜熱不能寐五更起步庭下徘徊到

曉

夜熱不成眠展轉達五更開門上殘月適與微風迎大  
火將西流銀河去無聲林亭散踈影露葉涵虛明甍甍  
羽蟲飛喔喔村鷄鳴身如閒草木受此旦氣清

沈松年觸暑見過為余寫行樂圖小照贈之以  
詩

昔年三十四張叟為寫照是時氣方豪抱膝坐長嘯

癸亥

夏張子由為余  
作槐陰抱膝圖

侵尋落塵網行止非意料一夢迫桑榆

回頭失吾少自觀疑隔世那免旁人笑沈生技入神下  
筆天下妙曩者京洛遊不輕貌權要朱門致厚幣却去  
臂頻掉獨愛山澤臞足音赴蓬藿老夫正避客畏熱如  
畏燒瀟灑實藉茲掀髯引同調吳縑六尺雪靜對屏聽  
眺三日晝始成投牀忽狂叫張圖示左右童稚皆曰肖  
迺知神理憑在骨不在貌一杖兩椽鞵清涼徹毛竅高  
楊蔭風渚密竹移烟嶠外勢拓微茫中深藏寫窳過橋  
茅宇遠轉徑柴籬繞力圓方自今幽情老彌幼允宜置

丘壑何用談廊廟稍待條甲成重煩添藥鈔

偶得鸛雛畜之階下旬日馴擾如家禽

老鸛巢古木孤雛失遙汀養之羣鷄中旬來食宿并草  
際飛拍拍花根立亭亭有時照盆池長喙梳短翎適逢  
螻蟻飽暫脫魚蝦鯉方當竭澤時時亢旱河  
流枯竭何處潛汝  
形不如儕野鶴飲啄且一庭

苦旱

火雲燒海壖禾黍供魚燔是田折龜兆下隰高平原山

根曲曲谿近溯十里源其流本易涸三尺淤泥渾何當  
干枯槁渴若接臂猿下飲罄呼吸涓涓寧復存一井給  
百家乞漿稍出村人情斲所少昏夜拒扣門我有小池  
水舊來資灌園經旬漸將枯遑救鮪與鯢畦丁仰沐浴  
費婢充鉞盆緩急吾豈無義從易地論開園聽使汲兩  
不受怨思暍者盈路旁其能以手援喟然望雲漢安得

天瓢翻

立秋後四日得雨喜疊前韵

雷鞭起龍蟄電火林欲燔急雨隨秋來沛然滌焦原出  
高而施下天澤殊泉源頓令赤堊墳化作塗泥渾物情

俄頃變判若王孫猿

柳子厚云猿之德靜以常王孫之德踈以驚

向來沸蜩

蟬聞寂無一存鷄犬聲逾靜羊牛亦歸村但見簑笠翁

倚杖臨柴門濁酒貫鄰曲農談慰田園檐低劇投蜩海

近疑徙鯤汲婦免抱甕浴童喜傾盆西成即未知姑以

目睫論良苗與秕稗各被霑濡恩我亦領新涼詩筆聊

復援閒庭有花木枝葉為翩翻

雨後遣興

秋田一雨洗萌芽餘潤還沾學圃家苦竹鞭抽行地筍  
戎葵梢放出籬花身憂天下原非分老覺浮生亦有涯  
野色閒門無客扣夕陽影裏數歸鴉

重至西湖雜感六首

行宮昨巡幸侍從偕東枚

詔許孤山遊緣坡陟崔嵬高亭揭佳要

御書佳要亭在孤山最高處

正面湖光開再到踰八年重扉鎖蒼苔夕陽錯金碧竹

樹浮樓臺

聖主軫民艱翠華無復來湖流亦漸縮清淺如蓬萊  
三百六十頃葑田半平蕪泊舟湖心亭坐失西南隅兩  
隄遮隱現彌望菰艾蘆吳中連歲荒竭澤準此湖誰興  
百年利開濬繼白蘇

菩提古律院中有禪者堂免時侍我翁曾宿道公房奄  
忽五十載沙彌成老蒼為言禪堂灾室破池魚殃師徒  
二三輩借歇鄰僧牀世苦善緣稀十方如一方我貧正



髣髴何以副汝望

昭慶舊寓被火住持僧乞余重作募緣疏故云

故人喜我來

謂鄭春薦高說仲

有約晨往踐中流泛彩鷁酒果

諧終宴殘暑颺以收荷風偃秋扇各陳別中事過去同

掣電齒脫頭亦童是形無不變惟留真面目重與吳山

見

昔我同朝友羅軒

翁康

與田居

龔衛

竹深

章豈

乃同年

通籍甫歲餘後先解組去各守先人廬錢子

我持

我彌

甥比亦賦歸與世途日湫隘親舊旋凋疎合并復何幸

皓首仍相於湖山近可樵湖水淺可漁此生知幾見莫負秋風初

潯陽賢郡守

朱恒齋時  
客吾郡

歷政廿四年罷官世業盡無計

營歸田竭來泥馬城卧病僦市廛良醫天下少買藥慳囊錢我欲招使出一覽江湖天足孿兼畏風躑躅行不前當路非無交車音聽楚然惟餘老賓客同病心相憐

龔蘅圃屬題田居圖為王石谷所畫三首

我愛西泠龔侍御候樵開徑擬村莊前身似是黃清遠

好補田居辭九章

元浦江黃景昌自號田居子作田居古調辭九章事載吳淵頴集惜其辭

不傳候樵開徑

九章中篇名也

更愛虞山王石谷為君破墨寫桑麻晚年變盡大癡法

瀟洒自當名一家

上澗烟波下溼田朱陂楊柳陸池蓮為農果若畫中樂

吾亦嬾尋辟穀仙

到湖上不及訪諦輝禪師而歸寄詩代東

諦公世壽八十八見說形神倍清拔有時挈鉢身入城

健若雲端出巢鷓隨行不用木上座一日往還能步屐  
葛藤斬盡松性孤那怕霜根被纏殺開堂說法踰四紀  
坐斷高峯梵王刹一拂何曾肯付人間着三交兩頭瞎  
似憐我是無家客遠在山中八行札我來便合去尋師  
却向石頭防路滑雲林咫尺徑未到回首湖西山鬱鬱  
明年擬坐雨安居眼膜終須寶篋刮

題章豈績觀碁圖

宇宙一碁局白黑兩戰場細極蟲蟻微大而至侯王胥

為競心役得失爭毫芒遂令坦坦塗嶮熾劇羊腸可憐

稿中叟機事亦未忘國工吾不知童稚勝老蒼

國中一童子與

老叟對局所以達觀者袖手於其旁

從姊丁節母八十壽令子修遠來乞詩

吾家賢姊丁節母年二十七稱未亡是時殉夫勢不可  
有兒在抱姑在堂夫之兩弟尚小弱形影相傍何俚俚  
婦供子職母兼父兄道亦以丘嫂當皇天欲貞苦節苦  
一一艱瘁教親嘗糲貧固已少簪珥時絀又復罹凶荒

淚流繼血食有指骨盡吸髓炊無糧秋看烏哺感魚菽  
春睹燕乳憐批糠晨春寧資相杵力夜績肯借鄰檠光  
全家仰俯賴搵作母不自白傍人傷阿婆下世兩叔娶  
寡鵲矢志孤雛償父遺一經課使讀世業克紹孫成行  
乾坤豈終靳雨露松柏要必經冰霜蓼荼茹盡蔗味出  
佳境漸入今方將母年八十兒六十白須綵袖前稱觴  
中秋節近風物爽桂樹藪藪飄天香月中之兔為擣藥  
長生會得仙娥方

西園早桂八月始花偶拈二絕句

兩株桂自先人植歲歲開當七夕前  
校是今番花信晚  
秋香還占別家先

消息西風任客傳花時長結一村緣  
而今勘破黃山谷  
鼻孔猶為晦老牽

季方兄招同聲延兄曾三芝田兩弟於西林菴  
為同宗五老會席間喜賦時甲午中秋前三日

古人重睦族邇豆禮無廢奈何世教衰  
此義久云晦家

宗遠有緒望實鄉國最伐木歌卒章吾猶及前輩官遊

鹵莽出晚景侵尋歸到忽一年

余去秋八月十三日抵家今恰一年矣

病多逃酒債喜聞折東名喚起初心在八月撰良辰五人合嘉會兩兄吾所敬兩弟亦吾愛居近三里中年皆六旬外茅菴傍先壟徑轉蒼山背風日假清光松篁發幽籟僧來具茶葍童去攜鮭菜飛動愜平生老狂餘故態流光弦釋箭盛壯已難再但願五白頭偷閒輒相對

中秋雨集拙宜園賦呈宗伯座主晚研前輩

二首



節到今年正秋分此夜中

是日秋分節

重尋三宿約惟欠一

人同

陳梅溪以疾不至

卷氣通荷葉林香入桂叢滿城傳勝事

來看雪髯翁

可惜團團月雲封得樹堂檐虛燈動影池澗水生光聽  
雨篷籠外吟風几杖旁平生師友在到此分真忘

十七日陪遊秦駐山得詩六首

夜雨晨乍晴茲遊天所許攜筇出煙郭振步凌雲嶼公  
本海鶴姿飄然命儔侶身輕無險徑心曠得豪舉誰云

溟滓寬直欲巾笥貯

出郭

社稷已丘墟冕旒尚祠廟當時伐山處馳道餘蓬藿可

憐愚氓愚不記暴秦暴家家棧羊豕坐享血食報今年

早太甚水乏蘋蘩芼毋乃為神羞徒憑山鬼嘯

始皇廟

平生汗漫遊不識蒼浮子今來尋別業愴若經蒿里好

事賴閒僧詩名猶在耳山林耆舊盡太息烟霞委

詩老徐滄

浮別業

山後石狀狠山前林靄濃名藍繚而深風氣于馬鍾下

有千頭菊上有百丈松潮聲卷地起響會出谷鐘禪扉  
日日開未缺茗椀供留題紀歲月孰繼三人蹤

半潮菴  
老僧出

素冊  
乞詩

家住錢塘西未觀曲江濤及茲陟海嶠  
惶惜攀躋勞長風東南來吹我上岬嶠  
忽然空四顧快覺身歷高井底俯孤城  
三面被浪淘築堤效精衛木石焉得牢  
誰能驅

此山外捍兀巨鼇

絕頂  
觀潮

秦鞭不可施頑疆倚天外一山坐  
少肉佛力將安賴榛

莽長於人菴廬小如蓋忘機任去住涉境有成壞置身  
萬仞岡達者觀其大少陵固云爾臨老斯遊最茅菴

### 食新米

秋水通港脉吳船來海濱稍聞米價賤歡喜動四隣荒  
厨乏宿春八月亦食新雖然營一飽力惡不出身薄宦  
比曼容退耕輸子真餘慙到僮僕并作浮惰民宮鼠竊  
太倉家鷄仰空困物生各分定吾自棲吾貧

### 由葑門至牧瀆舟中喜晴

積雨川初漲秋晴候尚暄帆移背城路竹密近山園野  
市漁樵散人家鴈鶩喧太湖知漸近水色半清渾

重過鄧尉大司寇徐公墓與公子觀卿話舊二

首

昔會尚書葬重來二十秋好山增氣色高蔭鬱梧楸賤  
日蒙青眼流年感白頭及門多著綠檢點幾人留

藉甚賢公子歸來一壑專論文空老輩誓墓及中年跡

忝同朝舊姻從世講聯

觀卿與家德尹  
為兒女親家

相看多道氣應

許數周旋

五雲洞

鄧尉山形斷柴莊嶺脉延言尋五雲洞試酌鉢盂泉草  
偃秋迷徑林深午見天老僧年七十揖客烏巢邊

午飯東山菴

村落樊籬外人烟墟墓間稍穿蒙密路又轉一重山樵  
擔行相引禪扉晝亦關薄遊煩地主裹飯慰衰顏

晚入聖恩寺瞻漢月禪師塔與古菴老衲茶話

因瞻影塔老喜接浮屠倚賴青藤杖隨行勝給扶

重陽日由鄧尉坐眾船沿太湖濱抵漁洋灣登  
法華嶺與觀卿拈韵各賦五章

九日乃溯流古來無此法適茲泳游趣遂與魚鳥狎望  
望銅坑橋前行出蘆夾湖光三萬頃際眼窮一霎地盡  
日脚垂天低浪頭壓近山浮蛟鼉遠艇點鳧鴨奇懷洵  
曠蕩良會殊欣洽滿載洞庭春十分傾蘸甲

黃柑釀酒  
名洞庭春

色見東坡賦

鏡面三十里森瀾似無涯片颿截湖來小泊當嶮岬居  
民雜耕釣竹樹環坳窪中有佛者宮法華及曇華頭陀  
不好事籬落無黃花手拾墮巢薪為余烹土茶屋山見  
微徑林隙縈修蛇直上千仞顛迴身俯烟霞

新城老詩翁于焉戀清景漁洋曾自號四海傳歌咏

阮亭

王先生絕愛此中山樓指今幾何勝遊闌如屏履綦已  
水因自署漁洋山人

陳迹我到踵前猛濤聲拔湖洪飛上萬松頂西風迫吹



帽新鴈時一警俯仰有古今徘徊惜俄頃誰為後來者  
繼躡最高嶺

折東不可致陪遊欠詩僧

謂湘隣  
禪師

兩人亦不孤勇往快

得朋平生偕隱願躡步氣益增西指小九天

西山林屋  
洞為十小

天中第九天觀  
有別墅在其下

下有田一塍買鄰鄰苦少約我我未

能具區舊志荒文獻於何徵君家富圖籍攷證庶足憑  
我雖腰脚頑肯辜手中藤馬得七十二峯峯與同登

是節古所重吾生隨所遭向來閱星霜南北母已勞有

時泥飲伴座上爭題糕間亦吐狂詞氣粗陵二豪塞垣  
九月雪氈帽蒙戎袍陪獵入圍場分麀行燎毛乞歸復  
何事雙髻餘蕭騷左臂雖病風尚堪持蟹螯地鄰甫里  
陸心契柴桑陶君壯我就衰逝波日滔滔明年身縱健  
何處重登高

重陽後十日曾三弟招集西林菴是日微雨杲  
山法師不期而至

再舉重陽會何妨十日遲林巒真得趣晴雨總相宜踏

履堪尋菊登高例有詩閒僧來不速社飲倍淋漓

立冬後二日座王宗伯公偕晚研梅溪枉過村

居次日移榻妙果山房再遊菩提寺得詩四首

乾鵲聲中客歎門畫船啣尾泊籬根掃除黃菊荒蕪徑  
暎帶丹楓穉村半月先期傳父老一家喜氣到兒孫  
海山不盡東南望登陟應須次第論

桑榆餘暖在田廬初約重尋幸不虛行處聚觀傾里巷

有時間答及樵漁能文客到先投句

時徐觀卿至自  
玉峯詩先成好

事僧來盡乞書

晚研工書所  
至楮墨堆案

寄語同朝諸大老莫將八

座傲懸車

招提遊更招提宿四五人添八九人

時許伯勤馬衍齋  
果山法師俱入座

承念兩兒  
亦侍行

自有此山無此會勿論誰主復誰賓靈泉怪

石供幽賞煦日和風應小春知是它生緣境在每逢佳

處輒逡巡

流光已付陶甄外世味多消朴率中省對枰筵慙地主  
免教冠蓋炫鄰翁熊羆起渭唾何晚蟋蟀歌唐儉可風

報會

朝恩還有處白頭相見祝年豐

仲冬二日招諸兄弟續舉真率會明日芝田弟  
詩來次答一首

弟勸兄酬又一堂依然同產似君良

唐書李友傳劉君良四世同居雖族

兄弟猶同產也

小春已過冬猶暖短晷雖移夜甚長老去喜為

無事飲與酣聊鬥此身強明朝夢覺三竿日始信齊州

接醉鄉

用東坡睡鄉記中語

再次曾三弟見投原韻二首

橋欹路滑限東西一櫂來尋曲折溪每愛招邀聯近局  
又從唱和得新題陋邦笑我詩同鄙雅量輸君酒到齋

木盎瓦盆隨分設何須几上復加緜

鄴中記冬月几上加緜

人中顰叟飲中仙挹袂何妨更拍肩地僻魚蝦貪入市

天晴箕畢快移躔

是日早雨晚晴

松筠歲晏留賓賞莞絳庭空

待雪填却笑竹林惟二阮同時應少弟兄賢

抄書三首

人言冬是歲之餘，自生涯伴蝨魚，比似王筠猶有媿。

白頭方解手抄書。

南史王筠愛左氏春秋，凡三過五抄，餘經子史皆一過，未嘗倩人假手。

無數空花亂眼生，摩挲細字欠分明。西洋鏡比傳神手。

八廓重開為點睛。

烏鷄已療病風手，秋兔猶存見獵心。炳燭餘光吾若此。

兒曹那不惜分陰。

臘月雷

天公號令何其乖，夏慳膏澤冬發雷。先期三日礎流潤。

雪候變雨成黃梅螻蛄夜啼蚯蚓出有聲來自南山隈  
靈霍倒行坤軸裂霹靂上劈天闕開吾聞宵雅哀十月  
矧乃歲暮陰陽催

至尊端拱穆清上宮府庶事歌康哉震來虩虩百里爾

特向山谷鳴遭回

淮南子遭回山谷之間

陋儒鯁鯁誠過計誤信

耳目生疑猜庶徵休咎豈關汝一飲且酌消寒杯

池上梧桐一本先君所手植秋來忽枯家人析

以為薪用作此歎



苦竹不實鳳苦飢霜風拗折枯桐枝知音者希巧匠死  
琴瑟之材同虞虜我來撥灰三太息重是先人手親植  
紛紛桃李總輿臺從此荒園少秋色

起結二句用  
太白詩語

十二月十六日赴青芝山會座主尚書徐公葬

感賦二首

清德宜鐫石佳城仰

賜金

公以少宗伯贈尚書  
思給全祭全葬異數也

哀榮朝典備存歿

主恩深十郡千人會三年獨子心

謂大  
司空

反虞猶孺慕未

忍進祥琴

視我真猶子從公始得師

乙丑春公為國子司業余時備弟子員親授作文法度

有經傳舊業無路報深知夢奠嗚何及歸休悔稍遲


於余

癸巳秋長假還鄉公薨一年矣

寢門餘痛在淚雨滴青芝

祀竈一首

一年俄逼臘爆竹接比鄰不用儼驅鬼自將詩送神  
晨餐甘脫粟夕爨付勞薪此意天應諒吾非媚竈人



敬業堂詩集卷四十三

欽定四庫全書

集部

敬業堂詩集卷四十六

詳校官左中允臣瑋五珠

助教<sub>臣</sub>常循履勤

總校官庶吉士<sub>臣</sub>倉聖脉

校對官中書<sub>臣</sub>雷純

謄錄監生<sub>臣</sub>胡澄

欽定四庫全書

敬業堂詩集卷四十四

翰林院編修查慎行撰

步陳集

起乙未正月盡五月

謝病歸來杜門七百日矣不得已而作閩游憶戊寅春夏間借朱丈竹垞南行今往還仍取此路東坡詩云團團如磨牛步步踏陳跡用以名集聊當

解嘲

元日立春大雪

家居閱兩年連遇歲朝雪東風不解凍就我作冷節鄰  
比莫往來應門乃虛設野人喜無事復此庭宇潔薺麥  
正青青蘭芽為誰茁

二日喜晴

昨日既喜雪朝來復快晴開軒納東曦檐滴微有聲天  
豈去我遠始和得人情呼兒具紙筆枕上詩已成

四日西園散步得三絕句

算是今年第一回草根殘雪尚堆堆  
春風氣力強於杖  
扶起衰翁踏凍來

三日為期已過期  
晴光先動碧琉璃  
苔枝照影魚兒躍  
及取水開鷺未知

踈籬外繞翠檀欒  
梅橘中栽五畝寬  
抵得實封三百戶  
頭銜自署老園官

人日赴榆村兄真率會二首

七十三翁齒最先  
人言兄乃地行仙  
白頭兄弟肩相竝

不敢誇張說少年

容易開尊得故鄉  
况逢雪後好風光  
梅花消息巡檐近  
絕勝題詩寄草堂

上元前二日芝田弟招集深寧齋席上次韻

杖履從遊地難忘  
直至今

余少日詩文極蒙伯父霍丘公賞識

風流前輩

盡結託晚年  
深照座紅燈  
入當杯白髮  
侵懷新蕪感舊  
愁和郢中吟

西阡老梅一本不知何人所植花時偶與諸兄



弟婆婆其下芝田有詩再次韻

千林一樹特標奇  
冰雪初消雨未滋  
問著不知誰手種  
却來與我伴哀遲

送湯納時表弟赴吉水任三首

兩派江流百折灣  
全家攜入畫圖間  
桃花夾岸春旗影  
直到廬陵不斷山

牧羊園豕盡彈冠  
一第終輸本分官  
不負種花心力在  
吉州抹麗贛州蘭

文江舊是人文藪，歷宋經元迄有明。此段挽回頽老手，  
莫言邑宰事權輕。

次韻荅又微姪

平生持論笑孤高，老去羞稱供奉曹。幸有田園收影跡，  
敢從壇坫薄風騷。披吟滿卷輸君富，置酒當筵看客豪。  
莫道懸車年未及，吾薪入爨已勞勞。

來詩有未老投閒  
聲價高之句故云

庭前紅梅花時恰值春寒

側側餘寒薄薄粧，疎花嫩蕊太。郎當能禁臘底三番雪。

翻怕春來十日霜

次韻荅東亭弟滇南見懷二首

自笑原非炙輶髡一歸聊爾慰慙魂  
退飛事異冥鴻弋俯啄心空澤雉樊  
伏臘鄉風隨戚黨耕桑活計委兒孫  
只愁兄弟天南北却聽清吟似峽猿

字如墨蟻筆頭髡天末書寬久病魂  
喜爾力能禁瘴癘知余情頗戀丘樊  
一門最盛推同祖萬里相望各有孫

若論桑榆收未晚莫因擇木感騰猿

用晉書李克傳中事

江行六言雜詩十八首

魯公傳乞米帖元亮有饑驅詩不妨舉家食粥笑問此  
去何之

人家泥浦漁浦驛路樟亭赤亭黃犢鳴邊草綠畫眉啼  
處峰青

船頭載餘杭酒枕上看富春圖老伴不離鷺鴨浮踪又  
落江湖

江流東射如箭帆勢西張若弓此去特邀天倖平生逆

水逆風

一兩竿颺酒柿四三點散漁燈朝來露蓑長濕月下風  
檣不停

水色綠頭雄鴨舟形縮項鰻魚千點桃花拍岸春潮不  
過桐廬

挂劍謝臯羽墓插竿嚴子陵壇身後哭餘兩友

此句  
屬謝生

前笑擲一官

此句  
屬嚴

乍合乍開烟靄一重一掩霏微紫鱗出網能躍翠鳥踏

波亂飛

柳暗春旗古戍梅殘橫笛孤城留取三分花事老夫待

要山行

村鷄喚曙非一野鶯眠沙必雙時有飛星過水忽看苦

霧吞江

蘭溪九迴腸曲漱水一拈掌平鶯卵石多瀨淺魚鱗雲

起天晴

三百餘年婺學建文以後失傳重過四先生里白頭撫

卷愴然

余近抄宋元明初文集得金華前輩數家

門前二月楊柳屋後千年豫章村步稀栽杏樹鄰船時

遞蘭香

碓林多沉新漲牛馬不辨兩涯遙見一灘白鷺近前知  
是浪花

春分過後微雪上巳前頭嫩寒灘響吾愁減睡日長兒

勸加餐

時稚子隨行

太末城南最好橘林密帶甘林歲歲經秋克賦直從禹

貢到今

長亭七十有四川路紫紆倍艱安穩烟波六宿卸帆已

到常山

一笈曾陪朱老浙西吟過江西誰憐磨牛陳跡自笑飛  
鴻雪泥

發常山早雨午晴二首

七日江程上水難肩輿差比布帆安朝來更覺山行好  
小雨纔過路便乾



麥畦菜壟黃蕪綠李徑桃蹊白間紅著色春光誰畫得  
常山西畔玉山東

西江權歌詞四首

西下鄱陽總順流波聲汨汨櫓聲柔玉山城外唱歌去  
三十三灘是信州

千尺長橋亘水隈商船到此盡眠桅索錢幸自無關吏  
滿載樟烟建紙來

黃牛引犢眠茅屋烏鬼隨人上竹牌共說此鄉魚米賤

就中最賤莫如柴

兩頭舳子月纖纖愁雨愁風日日兼過客飽餐江右飯

居人貴買浙西鹽

江西十三郡惟廣信食浙鹽

樟樹鷺鷥巢歌為施淳如明府作

鉛山縣署南城坳綠陰冬夏常相交豫章之材凡五樹  
上有鷺鷥來結巢東風二月高襟祀燕子來時歲相遇  
哺雛引子直經秋此是風標遺種處前者代嬪如高曾  
後者相繼如雲仍雪衣飄然閱五世螽斯蟄蟄還繩繩

我讀東京循吏傳，鵠變好音虎草面。雀雛不探童子仁，疇昔傳聞今眼見。施侯到官踰兩年，政成三異羣稱賢。仁民及物物斯樂，飛鳥依人人自憐。此地昨曾經寇賊，安集哀鴻繫誰力。老夫重過十八年，烟火居然萬家邑。佳辰名客開華筵，葉鳧緹鶴同翩翾。酒酣為爾賦長句，侯乎侯乎豈非仙。

澗如招遊蓮華洞四首

夾路泉聲響珮環，去城三里即名山。清遊我正坐無事，

難得君侯如我閒

一綫天光落眼前  
洞門深入忽中穿  
欲知覺路隨方樂

憑仗西來一指禪

洞壁有石如佛指

興欲登高力已疲  
隨身可少杖扶持  
自憐濟勝全無具

躑步寧忘一蹶時

時余渡澗失足故云

兩家弟子生同異  
朱陸紛如聚訟來  
指點鵝湖榛莽路

講堂片席待重開

鵝湖山在縣北二十里君方議重修書院故及之

雨中度分水關

獨立千年石回看百丈溪浮雲自南北健水各東西俗  
吏憎書笈勞人信杖藜經過成熟路不怕鷓鴣啼

重遊武夷冲佑宮

十八年前夢披圖勝跡留萬峰雲忽散九曲水仍流物  
外戀清境生涯回白頭短筇何負汝重作幔亭遊

陳道士房見甌寧蔡鉉升明府留題作詩寄之  
洞天三十六此洞自秦開羽士今寥落琳宮幾劫灰追  
游成昨夢得句憶仙才百里溪山近雙鳧早晚來

建溪權歌詞十二章

并序

朱子作武夷九曲權歌亦偶然寄興云爾其實九  
曲水淺曾不容舟余廣其意作建溪權歌詞可使  
艣郎唱艣而行俚語所不擇也

清流

名船

尾大腹仍皤杉板船輕一擲梭順水無風行更

穩槳聲如雁櫓如鵝

石根一道水滌洄真有腸如九曲迴問渡亭前齊閣權  
竹簾撐入武溪來

不團小鳳不團龍細色如今免上供見說田家愁水旱  
好充茶戶莫為農

西江估客建陽來不載蘭花與藥材點綴溪山真不俗  
麻沙村裏販書回

年年三月杜鵑啼紅白花開似錦溪只作漫山桃李看  
不知中有海棠梨

松栢難逃野火災忽教山色變成灰樵人比似猿猴捷  
絕壁無梯負擔回

不爭白狗黃牛峽不數西江廿四灘天下無如建溪惡  
水中刀劍是峯巒

北客南來飯好加川程三百少魚蝦建安腐乳甌寧酒  
更有南鄉澤瀉花

連山苦竹賤如毛十節量成二丈高小泊南鵝南口子  
船船多換幾張篙

青天白日走雷霆黯澹危灘最有名掣電光中行十里  
船頭一轉即延平



自從舟發崇安縣直到洪塘與海通若使一灘高一丈  
幔亭合在半天中

生小離家慣水行濤波雖惡片篷輕不須阿囷呼郎罷  
但是同舟便有情

訪同年滿鳧山開府於三山官舍撫今懷昔賦

贈二章

宗臣久掌絲綸簿開府兼優政事科地是巖疆曾伏莽  
公來鯨海不揚波刑清獄簡神何暇望重官高氣轉和

坐使八閩風一變挽回誰識苦心多

曾陪京兆鹿鳴筵共賦長楊羽獵篇聯轡三回經出塞  
下車一揖重同年當時霄漢依光近此日雲泥入望懸  
不是先生能念舊肯扶衰病到堦前

與劉海觀前輩話舊有感

三館當時數二劉後來誰不仰風流芝蘭臭味終相近  
縞紵交情幸見收自別道山虛接武每從宦海閱沉舟  
對君忍話京華事宿草鷓原痛未休

傷令兄若  
十先生也

尋道山亭故趾

芒鞋布襪記曾經誰識蓬池舊謫星雙眼參差收七堦  
百年興廢閱孤亭雲烟繞閣山形秀浦淑通潮海氣腥  
好在南豐碑一統苔紋因雨洗猶青

九仙山平遠臺

跨鯉人遙片碣留居僧指點說丹丘平生不信神仙術  
垂老宜為寂寞遊千里帆檣來域外九霄風雨過城頭  
劇憐野色亭西路好景多歸

萬歲樓

鳧山先生邀遊城東湯泉

萬壑千峯赴海疆，却從海眼發溫湯。  
名同繡嶺寧愁污，派別曹溪自有香。  
身外塵埃供洗滌，人間炎熱變清涼。  
依然沂水風雩意，童冠中間著老狂。

時幕友沈林二生  
三公子俱在座兒

念亦  
侍行

老友林同人贈榿竹杖

海山產異竹，厥萌不常有。  
移君軒墀前，適用非適口。  
一

年長一寸寸累已久碧玉內堅剛椶皮外粗醜尋丈  
經百年居然竹中叟金鴉刷作杖鉅細纜可手下有根  
生鬚上有葉垂簾故人憐我老分贈意良厚哀遲形影  
孤配爾如得偶嘉惠胡敢忘命之曰執友

留別前輩鄭老先生

此遊真到鄭公鄉許我重登佚老堂南極一星留碩果  
兩朝羣望屬靈光登山不用頻攜杖好客猶能遠置莊  
小吏相輕君勿怪浮雲閱盡是炎涼

先生時為邑  
令所窘故云

留別林同人

結交逢老輩再見倍相親開口問前事聞聲知故人

林年

將八十日已表明

衣冠非宿昔眠食尚精神洪浦通潮海母辭

惠訊頻

唐書地理志侯官西南有洪塘浦白石岳江東經覽瀆至柳橋以通舟楫即今之洪山橋也

住福州半月不及嗽荔支而歸聞西禪寺老僧

癡賣尚無恙臨行口占寄之

果熟西禪寺朱

竹地吳

青壇

記並嘗分甘紅計顆漬蜜白盈

筐一飽事難料獨遊神易傷居僧應笑我空到荔支鄉

建寧遇同年張嵩陸張由詞館改知松溪縣今  
將移疾乞休詩以慰之

出宰松溪縣行踰報政期神清知善病藥賤苦無醫難  
得音書便翻成邂逅竒引年猶未及莫負

聖明時

武夷精舍

早時蒙養地晚節宦游途風雨一精舍溪山雙畫圖居  
常鄰道院交不廢緇徒識者觀其達何曾累大儒

武夷采茶詞四首

荔支花落別南鄉  
龍眼花開過建陽  
行近瀾滄東渡口  
滿山晴日焙茶香

時節初過穀雨天  
家家小竈起新烟  
山中一月閒人少  
不種沙田種石田

絕品從來不在多  
陰崖畢竟勝陽陂  
黃冠問我重來意

拄杖尋僧到竹窠

山茶產竹窠者為上  
僧家所製遠勝道家

手摘都籃漫自誇  
曾蒙八餅賜



天家酒狂去後詩名在

用許嵒題  
詩岩事

留與山人唱采茶

崇安梅容山明府貽武夷山志

芒鞋三度入名山  
衰白重遊分已慳  
今日圖經落吾手  
巾箱攜得武夷還

朝發小漿村暮抵紫溪途中口號四首

引得層層樹杪泉  
高田瀉水及低田  
占城早稻移秧蚤  
四月村翁掠社錢

籃輿承蓋午風涼  
戲折山花插兩旁  
行處兒童齊拍手

白頭老子擁紅粧

丹崖碧樹迴干霄行盡巖關百里遙日暮紫溪橋畔望  
鷺鷥如雪點青苗

編茅樊竹作村莊樟樹花傳處處香漫說兩邦封壤接  
狹鄉終不及寬鄉

寬鄉狹鄉出  
唐書食貨志

鉛山道中

龜趺埋沒泥沙底翁仲欹斜草棘間漸覺先朝餘澤遠  
耕牛犁到費家山

重至南昌感舊

官步門前柳拂頭，早年曾作豫章遊。  
兩朝文物多經眼，千里江山復入舟。  
草泫深懸榻地，孤蹤分絕寄書郵。  
篋中一卷西征集，更與何人共唱酬。

登滕王閣

高凌碧落俯層瀾，老眼重開一大觀。  
笑閱星霜如隔世，

癸亥甲子間曾遊此閣今三十餘年矣

閒思今古幾憑欄，帆移雲影千山

動，湖納江流萬頃寬。

時江水暴漲丈餘沙洲皆沒

校是詩翁無筆力

不留名姓避王韓

飲胡都閫德菴署中荷亭上二首

三十餘年話舊遊也曾投筆覓封侯邯鄲枕上夢初覺

一笑看成兩白頭

庚申辛酉余客黔陽幕府胡時以武科從軍

柳外風來灑面涼雨餘三畝好池光借君酒盞勸君醉

莫負滿亭荷葉香

主人善飲故戲云

端陽前二日遊北蘭寺四首時李暘谷挈榼小

飲列岫亭葉素我尊聞姪念兒俱在座

北蘭寺在沙城北旁置孤亭縹緲間碧樹陰交三面暗  
獨留一面對西山

彩旗畫鼓沸中流想像蛟龍畫出遊今日無人觀競渡

去年此地有沉舟

時當事嚴  
禁競渡

若將世法苦相繩何地能容世外僧來往風流今已矣

居人猶說宋中丞

傷老僧  
淡雪也

元氣茫茫散不收尊前聊記五人遊衰年未必能重到  
更為斜陽作少留

李壻暘谷追送於滕王閣下臨發歸舟二章留

別

去便經年隔來為半月留那無兒女戀偏動別離愁落  
日當高閣清江帶小舟臨行一杯酒衰暮重回頭

清德尚書後尤宜愛此身一村無兩姓

宗伯公世居吉水之谷村聚族

至二千人八座有重親

壻雙親俱早世而祖母劉太夫人尚在養

子出須斟酌吾

歸合隱淪相思還命駕後會豈無因

晚渡鄱陽湖夜泊瑞洪

黃梅連日雨濁浪入湖平沙柳曾邊沒霞天鳥外晴岸  
容移晚景風日緊歸程忽報帆飛渡前村戍火明

行經貴溪縣赴同年王辰幟之招即席分韻

花草瓊林語於今十二年君方行綰綬我已賦歸田邑  
有延賓館門停載酒船慙非徐孺子此榻為誰懸

廣信舟中望靈山

頑石四百里

自安仁至鉛山河口臨江  
石山狀如覆盎草木不生

茲馬秀獨鍾翠屏

三十六不數九芙蓉

五月二十六日到家驚聞兒建京師訃信傷慘  
而作七首

去歲夏四月兒來告行期我時卧在床汝去故遲遲我  
欲速汝出慰汝以好辭為言吾雖衰歲月尚可支銓除  
汝已及行且把一麾勿論地遠近三年望旋歸詎料凶

問來哀哉甫及暮

兒亡於四月九日

此語恍如昨此情痛難追

一家仕同朝出處分相謀父既罷官去子當借歸休奈  
何復遣行風疾况未瘳致汝道路死非汝命不猶為父



實不仁自傷還自尤嗟嗟悔已晚餘憾徹九幽

延陵喪長子其殮服以時反服有苴麻童僕或未知倚  
賴者季父視汝猶視兒稍用慰老懷附身審所宜一棺  
隔江河魂氣無不之庶幾先入夢報我歸來期

祖宗二百年庭誥閑有家自汝為吾子勞少愛頗多粹  
質本性生不煩追琢加豈惟弛扑教抑且忘叱呵自從  
處庭幃迨試政事科所至靡失德後生可觀摩天若假  
以年成就當如何嗚呼今已矣家運薄則那

兒初宰東鹿律已慎以清

天子實嘉乃

綸褒為我榮

癸未七月余隨 駕避暑口外一日 上 遣內侍傳 諭云汝兒子在東鹿居官清

慎朕已知道時同直 諸君皆為余稱慶

安溪賢相公謂汝性朴誠不讓古

循吏行當大家聲

今相國安溪李公時巡撫北直兒備 員屬下極荷知愛嘗入南書房語余

云郎君天性朴誠居官廉潔大 有循吏之風所到未可量也

生邀

君相知既沒保令名思深一未報改秩俄殞生

兒由刑 曹郎陞

授鳳翔知府 命下一月而歿

頭銜亦何用聊可書銘旌

兒生乃冢孫及見祖考妣祖沒五十三兒齒十一矣兒  
七四十八少祖五年耳家世孰高年吾今踰六紀人間  
愧為父地下愧為子孰與遊九京頽齡諒無幾

向涉釋氏書死生委達觀乃復為兒輩白頭作悲酸有  
情則有生生理斷故難親知苦相勸至痛非旁寬有時  
強自排觸緒仍萬端神傷不在外老泪無多彈

敬業堂詩集卷四十四

欽定四庫全書

敬業堂詩集卷四十五

翰林院編修查慎行撰

吾過集

起乙未八月  
盡丙申四月

自聞建兒之訃三月無詩中秋後三日楊致軒太守偕令叔東崖施子自勗過慰流連信宿聊資觴咏排遣哀情夫喪明之戚賢者以為規吾何人斯敢不知過乎

揚致軒借諸子枉過敝廬

老抱延陵痛經秋只自悲感君攜伴至慰我斂眉時久  
別可無酒有情聊賦詩勿嫌芳草月今夜過牆遲

蠮奴歌

并序

海中有小蟹寄居螺殼中兩螯四跪外向能行按  
本草蟹大如錢居蚌腹者蠮奴也昌黎云入者主  
之出者奴之今乃以入者為奴耶戲作歌索諸子

和

介蟲三百有六十蟹族爬沙乃其一旁加八跪撐雙螯  
帶甲橫行風雨疾無端幻作腹居蟲竊食螭肉專其宮  
吾聞出者為奴入者主主今安在奴稱雄吁嗟乎大魚  
噉多蝦鮪泣觸蠻蝸角爭方急鵲巢古亦有鳩居燕室  
終須防雀入

會施自勛

才子生同邑陳人喜得朋每蒙詩見及祇覺愧難勝薄  
俗餘孤賞虛懷去一矜好傳橫浦集彥質有雲仍

宋施德操

字彥執吾邑人也與張子韶友善橫浦集中與彥執尺牘及唱酬詩甚多自巖豈其苗裔乎

八月晦日榆村季方曾三芝田諸兄弟借過桂

堂小飲次芝田韻

夢裏悲歡覺者誰流光去我杳難追重尋老圃看花約

已失中秋坐月期委蛻子孫聊自解

時榆村兄有殤孫之戚

在原

兄弟詎勝思

余時適聞德尹病風辭免之信

達觀至竟談何易除却銜

杯百不宜

第六孫生



東吳方喪子次息又添孫歌哭於斯室與衰視此門家  
貧寧計口客至且浮尊敢料成童日吾猶月告存

聞德尹患風疾將上章乞休寄懷二首

道遠傳書少年侵感事多忽聞君未疾轉益我沉痾家  
運衰如此

朝恩重若何勿將身試藥時世少醫和

食新吾自幸屈指又三年借隱原初約當歸那問天婢  
牽蘿補屋奴縛草為船慙愧分甘意寬心及目前

大兒  
身後

多官逋弟許分結  
茅之資以慰余懷

重陽後一日季方兄招同諸兄弟龍尾登高

果船昨夢隔漁陽  
杖相攜又故鄉  
海蜃浮空呈寶刹  
石龍渡水得殘岡  
嘉禾野潤初收雨  
綠樹村濃未剪霜  
愛惜眼光留足力  
年年來此作重陽

題龍尾山僧舍

龍形蜿蜒三四里  
起伏睢尻露顛趾  
秦鞭怒爾屹不移  
鑿斷其腰曳其尾

龍腰俗傳秦  
始皇所鑿

何年一掉鱗甲摧  
蛻骨

化石凝堅胚山僧負土補石縫長養松竹從嬰孩駢青  
聳翠皈佛力鎮以精藍高岌岌鼉鳴鯨吼海外聞樵唱  
漁謳月中入回首茫茫禹九州茲山奚啻一浮漚蘭單

合是疲牛路老矣猶能賦近遊

束廣微近遊賦  
駕蘭單之疲牛

### 朱乾若輓詩二章

名高無顯晦業富有淵源家自傳閩學身嘗到孔門

系

出紫陽曾設教  
於衍聖公家

荒榛誰與闢碩果幸猶存豈異龍蛇厄

頻傷好弟昆

與三子懷兩兄十年  
來先後俱下世故云

白頭歸已晚，索莫感離羣。  
昨歲猶過我，今朝又哭君。  
恍疑神理接，不謂死生分。  
孰是辭無愧，來題有道墳。

衍齋惠香椽戲答二絕句

磊落筠籠五十枚，清香分供佛前來。  
敢同賣菜還求益，待覓根株自接栽。

也擬堦前種一枝，老人作計太迂遲。  
心知證果非難事，眼見開花是幾時。

偶過雨梧齋，看菊別後得二十韻寄主人楊致。

軒

貧家無菊看一棹訪城隈且喜經霜在非關冒雨來秋  
光如我待病眼為渠開百本紛成列千頭疊作堆枝枝  
疑並蒂朶朶儼重臺倚賴扶身竹因依帶土苔淺深微  
別色高下悉呈材涼蝶窺簾度慵蜂拂檻回差堪登瓦  
缶直可勸金壘花及蕪旬賞根須隔歲培相逢雖邂逅  
臨別尚徘徊預作東籬計分苗手自栽

訪陳侍御梅溪郊外新居二首

見說新居好幽尋不待招年豐禾被坂潦退水平橋改  
路侵桑柘為鄰傍緯蕭涼風吹白帽來問郭西樵

海氣孤村外秋聲萬木間名方高洛社夢不點朝班閱  
世隨流水安身比太山傲他軒冕貴投老遂長閒

座主宗伯許公再邀楊晚研陳宋齋梅溪及余  
為五老之會席上分賦二章時立冬後四日

又作名園三日留欸門人各有扁舟宵能縱酒晨還醉  
晴便登山雨即休且喜大家添一歲未應高興減前遊

黃花已老丹楓嫩斟酌初冬勝晚秋

勿論雪北與香南谷水東西亦有庵行處人言星聚五

序來吾忝齒居三緇黃世外闕存歿

是速上人仍入坐  
南山張道士已下

世風月尊前助笑談錯料詩成如噉蔗後來居上得無

慙

晚研梅溪兩家令子俱  
從遊詩又先成故戲云

### 墻根冬菊

直自陳芳發何煩客土移近根除蝨葉藉草出單枝點  
綴荒蕪徑支撐缺壞籬栽培初少力敢怨作花遲

禾稼初收野眺作

窮鄉十年九旱潦嘉種歉歉蕃庶草秋來雨幸不成災  
安慰人情眼前好溪南把耜百頃田縱橫蚱蜢飛連天  
黃雲捲盡霜野濶放眼直到南山邊新春家家催相杵  
倚杖閒聽隣叟語偶然村社飽鷄豚久矣官倉肥雀鼠

題杜集後二首

此老原非諫爭姿許身稷契復奚疑可憐官馬還官後  
徒步歸猶號拾遺



漂泊西南且未還  
幾曾蒿目委時艱  
三重茅底牀牀漏  
突兀胸中屋萬間

讀莊子內篇八首

世人耳目隘直與蜩鳩鄰  
焉知天地間  
乃有鵬與鯤  
小窺大不盡  
大視小不倫  
吾遊非彼適  
彼笑非吾聞

彼此一是非  
有一斯有萬  
於中強分別  
間不能以寸  
齊之以不齊  
兩俱置  
勿問方將與  
物化何有乎  
物論

其意在詆儒其說乃近仙  
其源發乎老其漸流為禪  
養

生徒養形木寇膏自煎是形無不盡新盡而火傳

死生非二理出入同一機人皆有故鄉弱喪昏不知千

載旦暮遇淵明悟其微南山舊宅在逆旅終當歸

生本玩世人初未忘用世觀其審出處亦重君臣義用

世必以言忠言或取戾所以遁天刑寧甘為世棄

人人兩其足恥與兀者徒向非德內充有足不啻無外

形而形全內神而神腴形神兩皆寓是謂內外符

讀書自得師深淺隨所到當其快領會何異朝聞道勞

生侏以老反覆覺語妙妙處老方知毋輕示年少  
耆欲必有開聰明出乎鑿自從渾沌死天下無純樸帝  
王遞相嬗秦氏不可作世運日趨澆滔滔緊誰覺

十一月初七夜紀事

未年建子月村舍宵喧魘老夫衣服冠起坐中心摧女  
媧石破碎猛雨噴空來風勢助覩覩電光走焯焯孤陽  
五陰下七鬯吁可哀復其見天心奮地乃出雷我欲祝  
雷公馳聲徧九垓毋徒震百里號號驚童孩又欲禱風

伯非時掃氛霾明兩日重光天門誅蕩開五行有常變  
數以反覆推孰者主張是瑞或生於災世運視斡旋人  
情仰昭回露生亦何事蟄戶行復培

庭卉具萎手除枯莖

條蔓天生弱况蕪冰霰加過時多悴物經眼即空華芒  
棘除三逕蒸薪共一車但看枯穢盡何種不萌芽

兒建歸櫬權厝西阡

自得淮南信輒歸報有期遠慙羸博葬近慰首丘思魂

魄孫隨祖水霜父哭兒一號臯某復望絕倚門時

閔邸報北直學使交替有人知德尹歸期不遠

矣作詩志喜四首

冬來日日望迴輪邸報遙傳信漸真客病也應資藥餌

長途未可恃精神官隨年限纔經臘

弟於去冬赴任農及是甫滿一年

告歸期正及春勞動里中羊酒賀一家遂有兩閒人

王介

甫詩有豈容家有

兩閒人之句故云

舊莊喬木蔭茅茨六十餘年黍一炊卅角光陰雙鬢改

釣遊踪跡兩心知  
交頭對倚花前杖  
斂手閒看劫外棋  
見說漢廷偏愛老  
申公免病故遲遲

盛事依稀記玉堂  
後先出入總

恩光魚潛樂莫如同  
隊雁序歸仍不亂  
行忍便析居違  
丙舍尚煩刻碣表  
瀧岡經耒積火原  
家法相戒兒孫勿  
去鄉

長虞晚節相從少  
豈料歸期不約同

弟今年六十四與  
余引疾之歲恰同

架有圖書延客座  
堂無絲竹變鄉風  
桑榆賸飽溫暾味

梨棗粗收長養功，校勝蘓家好兄弟。對床來作白頭翁，  
蠟梅宋以前未有賦者。東坡山谷后山少游始  
見於吟咏，率皆古體而不入律。王平甫陸務觀  
尤延之楊誠齋各有五七言律詩。方虛谷瀛奎  
律髓選附梅花類中，雪窻披覽頗不愜意。適友  
人折贈此花，信手拈筆，非敢與前賢較，丑拙也。  
閱盡嘉平臘，來為最晚芳。冰心含淺紫，雪瓣吐嬌黃。後  
菊偏同色，先梅別有香。百花多釀蜜，容爾占蜂房。

過德尹城中新居十二韻

再得歸田一紙書喜於身自桂冠初城隅別儻三間屋  
戶外高懸四望車飽閱官情知進退好還天道任盈虛  
豈惟太息傳供帳頗覺謹聲動里閭應接稍防生客擾  
往來寧慮舊交疎囊衣事偶同王吉襍被人應諒魏舒  
世上名皆身以外歷頭冬是歲之餘巢成古樹寒依鵲  
檻俯清池夕數魚膝下諸雛看漸長燈前二老笑相於  
小時至性君猶在病起精神我不如良夜且為無事飲



明年仍擬故林居，園廬早晚梅花發。  
已遣家童預掃除。  
雪後次東坡韻二首

繞屋聞聲已散鴉，到門無逕可停車。  
雲端海日峰峰玉，畫裏山村樹樹花。  
酒上衰顏聊遣興，詩經白戰自成家。  
梁園賦客爭工拙，未抵先生手一叉。

亦知天色朝來好，不奈風威分外嚴。  
笑指庾屛供蠟，戲搏師虎作形鹽。  
晴綿未折猶鋪逕，冰筍俄長欲墮檐。  
最是瓷盆先得氣，蘭芽已放兩三尖。

丙申二月雨雪連綿援筆排悶

巡檐倚杖步蹒跚  
村巷泥深欲出難  
二月風光三日雪  
閏年天氣半春寒  
蟻浮竹葉杯常凍  
雀啣苔枝蕊未殘  
好笑纖兒羣擲瓦  
不聞古井復生澗

積翠樓古栢茶次座主宗伯公原韻二章

不知移植是何峯  
拔地今成天矯龍  
左紐紋應儕老檜  
後凋名許配高松  
霜柯蔭合烏呈瑞

長公立岩  
時官侍御

香葉年

深鹿絕蹤獨貫四時無  
改易自天雨露正濃濃

蒼髯翠甲映于思不染人間半點埃自倚孤根堅鐵石  
對抽雙幹出樓臺陶家門外新栽柳王氏庭前手植槐  
何似先生扶正直少陵古栢行扶持自是神明力正直原因造化功階庭成就  
栢梁材

盆中鴛鴦梅戲次許東垞韻

兩般顏色接栽餘

香山詩樹接兩般花

磁斗交花密復疎秦虢一

門承寵日尹邢雙美人宮初淡粧濃抹休相妬傅粉施  
丹恐如未免孤山高士笑笑他倚市又充廬

蚍蜉

大盜盜魯藏小盜盜墓木蚍蜉肯自量蜂虻反余毒本  
根葛藟庇保已分良足此外何不容坦而示之腹

二月杪偕諸兄弟西阡看梅集句

安得健步移遠梅健如黃犢走復來春花不愁不爛漫

只恐花盡老相催

集杜

又一首

兩岸山花似雪開

劉夢得

一杯一杯復一杯

李太白

勸君更

盡一杯酒

王摩詰

二月已破三月來

杜子美

三月三日塘西卓氏園看梅

兩月春苦寒閉門雨雪中名園一昔到天氣初和融徐

步盡深榛窅然苔徑通中有古梅樹閨人自兒童

余年十三

四時讀書西水曾遊此園今五十餘年矣

花開子孫枝樹亦成老翁不知幾

易主孤幹如焦銅良辰與我期噴雪當晴空清香襲襟

袂澹若松下風夕陽墮林西纖月張虛弓慙將塵土足

移入笙歌叢

是夕沈氏叔姪置酒演劇故云

雨後玉蘭未殘適德尹自武原歸再飲其下此  
樹弟手植者

不負春來約新晴果到家手栽當檻樹眼見出牆花比

雪偏能艷

韋蘓州詩清  
詩舞艷雪

如瑜不掩瑕兩翁心竊喜何啻

茁蘭芽

雨點著花瓣俱成  
黑斑故有第六句

馬衍齋筮易得漸二爻既以名其居復繪小影

坐磐石旁竹垞老人舊書于磐二字今以圖來

索題附綴數語義盡於卦無取旁求也

離于干即于磐起居無時惟石之安止以為巽兮木因  
乎山于陵于陸兮抑豈鴻之所難

三年前手植牡丹閏月始花吟成八韻

爛漫三年約參差五尺叢稍遲因閏月最後領春工密  
葉深流翠狂苞怒發紅扶頭香與力登頰酒無功日出  
光相射烟含態轉融憐渠風雨後慰我寂寥中臺榭移  
難定笙歌賞易終不如離色界長伴白頭翁

大雨枕上作

雷雨軒窓動孤燈耿夜深老人渾不寐大有惜花心

閏三月十一日拙宜園牡丹之期時晚研將赴

密雲城工兼以送別四首

臨事從容意於君見一斑開園仍郭內置酒且花間  
世已難希古天應未許開寧聞白賓容垂老出香山

不道桑麻社中間有路歧幾時重會合此別各衰遲  
官罷貧誰諒身存病敢辭隨翁心似鐵難得好男兒

東坡  
送子

由北使詩隨翁萬里心如鐵自注猶  
子遲也今令子次也待行故及之



草野聞朝議籌邊事不同鑿山甌脫外設險塞垣中路  
指屯雲戍城連避暑宮河湟方用武勝策轉漕功  
林下拋雙屐風前換短衣重為遠行役只望蚤旋歸玉  
事程期迫京華故舊稀莫令招隱地歲晚寸心違

腰痛自嘲

平生恥折腰疆直詭自訟謂從解組後帶眼稍寬縱寧  
知患苦纏百衲鬪一縫向來所受病及是方覺痛

養生論以

覺痛之日為受病之始也欠伸兩不遂轉側需僕從抓搔性復慵摩

拊亦安用可憐血肉軀猥與蟻蝨共人間十萬貫騎鶴嫌

腰重痛定吾有時身輕行試鳳

東坡詩身輕可試雲間鳳

### 苦雨歎

十日五日雨脚稠皇天害物肯待秋

左傳秋無苦雨服虔注云害物之雨

民所野花委地不如草林鵲置巢全為鳩雌蛟蝶飛何

處去官蝦蟇叫無時休南山朝躋東海溢一老書空方

坐愁

### 海塘歎

沙崩岸塌風駕潮潮頭勢與城爭高愚公移山或可障  
精衛填石誠徒勞海若東來神鬼泣尾閭南泄魚龍逃

邑興大役官乏費行矣板築湏時操

力役之征紳士無得免者少陵云板

築不時操今日之謂歟

### 替蠶麥歎

烏鹵之地成梢溝

水漱嚙者為梢溝出周禮注

傾都委貨爛不收村

姑尚以蠶命月野老曾於麥望秋恤緯孰是織室者雜  
耕吾亦農家流縣符蚤晚急夏稅何暇更為百草憂

黃涪

翁云男女墜地衣食各有分齊  
安能感額為百草憂春雨耶

### 復愁四章

今年陰太盛四月雨尤狂渡口浮橋斷門前暴漲黃生

看千頃沒立致一村荒歎息昂頭麥抽芽比穗長

二麥  
垂熟

而未登芒穗中發芽  
長寸許日所未睹也

頓遣蒸薪貴難教米價低濕炊烟冒瓦罷汲井封泥俗  
累生誰免身謀老自迷藜床經月卧拄杖不輕攜

古井長防塌先廬且幸存沉沉移白日耿耿向黃昏

穴乘輒縫蝸涎上漏痕此中無客到何用掩蓬門  
箕畢占頻驗庚壬候總非鄰雞鳴不已梁燕乳相依  
肯憐蛙瘦人方羨鼠肥樂郊何處所舍此我安歸

敬業堂詩集卷四十五